



Inatsisartunut ilaasortaq Aleqa Hammond,  
Siumut  
Maani

**Akissut: § 37.1 naapertorlugu apeqqummut 90/2012-imut, kræftimik eqqugaasunut oqarasuaatikkut siunnersuisarneq pillugu**

12. april 2012  
Sagsnr. 2012-064309  
Dok. Nr. 871806

Kræftimik eqqugaasunut oqarasuaatikkut siunnersuisarneq pillugu Inatsisartunut ilaasortap Aleqa Hammondip apeqquteqarnera qujassutigaa. Neriuffiit Kattuffianni inunnut kræftimik eqqugaasunut pitsaasumik siunnersuiartarnissaq pingaaruteqarmat aperisoq isumaqatigilluinnarpara.

Postboks 1160  
Tlf: 34 50 00  
Fax: 32 55 05  
3900 Nuuk  
Email: [pn@nanoq.gl](mailto:pn@nanoq.gl)  
[www.nanoq.gl](http://www.nanoq.gl)

Inunnut ajornartorsiortunut imaluunniit ajornartorsiortunik tapersersuiniarlutik ikioqqusunut oqarasuaatikkut siunnersuisarfik "Attavik" aqqutigalugu ikiuisarnerit kiisalu meeqqanut inuusuttunullu oqarasuaatikkut siunnersuisarneq aamma ilaqutariinnut oqarasuaatikkut siunnersuisarneq peqqinnissaqarfiup ullumikkut ingerlatarei. Sianertut sapaatip akunnerata ulluini tamani nalunaaqutaq unnukkut arfineq-marluniit qulingiluat tungaanut tiguneqarsinnaapput. Inuit siunnersuisartut tassaapput perorsaanerup inunnillu isumaginninnerup iluini sulinissamik ilinniarsimasut ukiunilu arlalippassuarni oqarasuaatikkut siunnersuisarnermik misilittagaqartut. Maanakkut neqeroorutaasut kræftimik eqqugaasimasuttaaq taakkulu qanigisaasa aliasuuteqarnermi kingunipilutsitsinermiluunniit pitsaasumik siunnersorneqarnissaat ilitsersorneqarnissaallu qulakkiissallugit periarfisiipput.

Taakku saniatigut Peqqissutsimut Naalakkersuisoqarfiup siunnersuisarnerit pingaaruteqartuusut Neriuffiit Kattuffiannit ingerlanneqartartut ukiumut 150.000 kr.-inik tapiiffisarpari.

Kræfti nappaataavoq sakkortoq annilaarnartorlu, amerlasiartuinnartunillu eqquisartooq. Tarnikkut kingunerisinnaasai pillugit pitsaasumik siunnersorneqartarneq taakkunungalu ikiorneqartarnerit kræftertut nalinginnaasumik inuuneqaleqqinnissaannut ikiuutaalluarpot.

Isumaqarpunga nappaat pillugu tarnikkut ikiorsiisarnerit siunnersuisarnernut allanut ataqatigiissillugit ingerlanneqartassasut, aamma timikkut inunnullu allanut akuuleqqinnissamut tunngatillugu. Taakku nalinginnaasumik inuuleqqinnissamut iliuutsit – Neriuffiit Kattuffiata siunnersuisarnerata saniatigut – annermik kommunini ingerlanneqartarput. Nappaat kisiat pillugu siunnersuisarnerit katsorsaanerillu peqqinnissaqarfimmi ingerlanneqartarput, pisariaqartitsinerlu naapertorlugu ulloq unnuarlu ingerlanneqarsinnaallutik.

Tassa taamaattumik isumaqarpunga maannakkuugallartoq oqarasuaatikkut immikkut siunnersuisoqartassanngitsaq, iliutsilli allat peqatigalugit kræftertunut ikiuisoqarlunilu siunnersuisoqartassasoq. Pineqartumili suut tamaasa ilaatinneqarnissaat qulakkeerusullugu kissaatiginiarpara apeqqutip kræfti pillugu pilersaarutip tulliuuttup suliarineqarneranut ilaatinneqarnissaa, tassani nalinginnaasumik inuuleqqinnissamut suliniutit pingaartillugit ilaatinneqarumaarmata.

Inussiarnersumik inuulluaqqusillunga

  
Agathe Fontain



**SIUMUT** Inatsisartuutitat

2. april 2012

Matumuuna Inatsisartut suleriaasianni § 37 imm 1 naapertorlugu Naalakkersuisunut apeqquteqarpunga:

**Neriuffiit Kattuffiani oqaloqatiginnittarneq siunnersuisarnerlu pitsaaqisut pisariaqartinneqartullu ilisimavagut, taamaattoq maqaasineqartartoq ilisimasarput tassaavoq nappaassuarmik eqqorneqarsimasut aammalu qaniginerpaasaasa tarnip pissusaanik ilisimasalimmik oqaloqateqarsinnaaneq amingaatigineqartarpoq, soorlu oqarasuaatikku attaveqarnikkut. Tamanna iliuuseqarfiginiarlugu Naalakkersuisut pilersaaruteqarpat?**

(Aleqa Hammond, Siumut)

**Tunggavilersuut:**

Nunatsinni nappaassuarmik kræftimik eqqorneqartartut suli amerlaqisut ikiorerneqarasuarfigisaqarnissaat pisariaqarluinnarpoq aamma suli pingaaruteqaqaaq eqqorneqarsimasut qaningisaasalu tarnip pissusaanik ilisimasalimmik oqaloqateqarsinnaanermik periarfissiinissaq. Tassunga tunggatillugu paaserusuppara naalakkersuisut apeqqummut pineqartumut qanoq politikkeqarnersut tusassallugu.

Kissaatigaara apeqqutima ullut suliffiusut qulit qaangiutsinnagit akineqarsimassasoq.

\*\*\*\*\*

I henhold til Inatsisartuts forretningsorden § 37 stk 1 fremsendes følgende spørgsmål til Naalakkersuisut:

**Det er utroligt vigtigt, at fortsætte med det gode rådgivning og arbejde der føres af Neriuffiit Kattuffiat. Dog bliver man igen og igen gjort opmærksom på, at man savner telefonisk psykologisk rådgivning til de kræftramte og nærmeste pårørende. Har Naalakkersuisut planer om at gøre noget for at sikre, at denne mulighed kunne igangsættes af Naalakkeruisut?**

(Aleqa Hammond, Siumut)

**Begrundelse:**

Der er desværre stadig mange nye tilfælde af folk der får konstateret kræft i landet. Dette sætter stadig fokus på den hjælp man yder de kræftramte og deres nærmeste pårørende. I den sammenhæng vil jeg gerne høre, hvad Naalakkersuisut har af politik omkring dette spørgsmål.

Jeg ønsker, at mit spørgsmål er besvaret inden ti arbejdsdage er omme.